



	Republika e Kosovës Republika Kosovo • Republic of Kosovo
	Institucioni i Avokatit të Popullit Institucija Ombudsmana • Ombudsperson Institution
Nr./Br./No.	<u>181212017</u>
Nr.i fq/Bр.str./Nr.pg.	<u>01/12/17</u>
Data/Datum/Date:	<u>PRISHTINË-PRIŠTINA-PRISTINA</u>



**Republika e Kosovës • Republika Kosovo • Republic of Kosovo  
Institucioni i Avokatit të Popullit • Institucija Ombudsmana • Ombudsperson Institution**

## RAPORT ME REKOMANDIM

**A.nr. 690 / 2017  
Agim Aliu**

**lidhur me zvarritjen e procedurës në Gjykatën Themelore në Prishtinë – Dega në  
Lipjan**

**Për: Afërdita Bytyçi, Kryetare  
Gjykata Themelore në Prishtinë**

Prishtinë, më 1 dhjetor 2017

## **Qëllimi i reportit**

1. Qëllimi i këtij rapporti është tërheqja e vëmendjes Gjykatës Themelore e Prishtinës – Dega në Lipjan (në tekstin e mëtejshmë Gjykata), lidhur me nevojën e ndërmarrjes së veprimeve përkatëse për shqyrtimin dhe vendosjen e lëndës C.Nr.187/15, pa vonesa të mëtutjeshme.
2. Ky raport është i bazuar në ankesën individuale të z. Agim Aliu (në tekstin e mëtejshmë *ankuesi*) i cili është babai i të paditurit sipas procedurës gjyqësore C.Nr.187/15 dhe mbështetet në faktet dhe provat e ankuesit, si dhe nga shkresat e lëndës të cilat i posedon Institucionit i Avokatit të Popullit (IAP), lidhur me zvarritjen e procedurës gjyqësore në lëndën C.Nr.187/15 përkitazi më çështjen e anulimit të kontratës së shitblerjes.

## **Baza ligjore**

3. Sipas nenit 135, paragrafi 3 të Kushtetutës: “*Avokati i Popullit ka të drejtë të bëjë rekomandime dhe të propozojë masa, nëse vëren shkelje të të drejtave dhe lirive të njeriut nga ana e organeve të administratës publike dhe organeve të tjera shtetërore.*”
4. Po ashtu, Ligji nr. 05/L-019 për Avokatin e Popullit, nen 16, paragrafi 8, përcakton se: “*Avokati i Popullit mund të jep rekomandime të përgjithshme përfunksionimin e sistemit gjyqësor. Avokati i Popullit nuk do të ndërhyjë në rastet dhe në procedura tjera ligjore që janë duke u zhvilluar para gjykatave, përvèç rastit kur ka zvarritje të procedurave*”.

## **Përbledhje e fakteve**

Faktet, dëshmitë dhe informatat me të cilat posedon Institucioni i Avokatit të Popullit (IAP), mund të përblidhen si në vijim:

5. Më 22 maj 2015, paditësi V.K. ka paditur Enver Aliun, djalin e ankuesit, për zgjidhje të kontratës së shitblerjes për shkak të mos përbushjes. Po ashtu, përmes kësaj padie paditësi ka kërkuar që të vendoset masa e përkohshme e sigurimit të kërkesëpadisë.
6. Më 5 qershor 2015, Gjykata ka vendosur masën e përkohshme të sigurimit të kërkesëpadisë sipas kërkesës së paditësit.
7. Sipas pohimeve të ankuesit, Gjykata që nga data 5 qershor 2015 e deri më sot nuk ka ndërmarrë asnje veprim procedural lidhur me padinë në fjalë.

## **Instrumentet ligjore të zbatueshme në Republikën e Kosovës**

8. Kushtetuta e Republikës së Kosovës, në nenin 21 thekson: “*Republika e Kosovës mbron dhe garanton të drejtat e njeriut dhe liritë themelore, [...]*”.
9. E drejta për gjykim të drejtë dhe të paanshëm, përcaktohet me nenin 31.1. të Kushtetutës: “*Çdo kujt i garantohet mbrojtje e barabartë e të drejtave në procedurë para gjykatave, organeve të tjera shtetërore dhe bartësve të kompetencave publike.*”
10. Po ashtu, mbrojtja gjyqësore e të drejtave, në nenin 54 të Kushtetutës, përcakton: “*Çdo kush gjzon të drejtën e mbrojtjes gjyqësore në rast të shkeljes ose mohimit të ndonjë të*

*drejte të garantuar me Kushtetutë ose më ligj, si dhe të drejtën në mjete efektive ligjore nëse konstatohet se një e drejtë e tillë është shkelur”.*

11. Konventa Evropiane për Mbrojtjen e të Drejtave të Njeriut dhe Lirive Themelore (KEDNJ) është dokument ligjor i zbatueshëm drejtpërdrejtë me Kushtetutën e Republikës së Kosovës dhe ka prioritet në rast konflikti, ndaj dispozitave e ligjeve dhe akteve të tjera të institucioneve publike.<sup>1</sup> Prandaj, paragrafi 1 i nenit 6 i KEDNJ-ë garanton që: “*Në përcaktimin e të drejtave dhe detyrimeve civile, çdo njëri ka të drejtë për një proces të drejtë dhe të hapur brenda një afati të arsyeshëm kohor*”.
12. Ligji për Gjykatat nr. 03/L-199, në nenin 7 par. 2 përcakton: “*Çdo person ka qasje të barabartë në gjykata dhe askujt nuk i mohohet e drejta në gjykim të drejtë në përputhje me procedurën e rregullt ligjore ose të drejtë në mbrojtje të barabartë me ligj. Çdo person fizik apo juridik ka të drejtë në gjykim të drejtë dhe brenda afatit të arsyeshëm kohor*”.
13. Ndërsa, neni 7, paragrafi 5 i Ligjit për Gjykatat nr. 03/L-199, përcakton se “*Të gjitha gjykatat duhet të funksionojnë në mënyrë të shpejtë dhe efikase për të siguruar zgjidhjen e shpejtë të lëndëve*”
14. Ligji për Procedurën Kontestimore nr. 03/L-006, në nenin 10, paragrafi 1, përcakton: “*Gjykata ka për detyrë të përpinqet që procedura të zhvillohet pa zvarritje dhe sa më pak shpenzime, si dhe të bëjë të pamundur çdo shpërdorim të të drejtave procedurale që u takojnë palëve sipas këtij ligji*”.

### **Analiza ligjore**

15. Përveç kornizës ligjore të zbatueshme në Republikën e Kosovës, të drejtat e njeriut dhe liritë themelore të garantuara me këtë Kushtetutë, interpretohen në harmoni me vendimet gjyqësore Gjykatës Evropiane për të Drejtat e Njeriut (GJEDNJ) (shih nenin 53 të Kushtetutës).
16. Në raste të shumta, GJEDNJ ka theksuar se e drejta e palës që çështja e tij të vendoset në afat të arsyeshëm kohor, paraqet element qenësor të së drejtës për gjykim të drejtë dhe të paanshëm.
17. Avokati i Popullit përkujton që praktika e GJEDNJ ka vërtetuar se zgjatja e procedurës llogaritet nga koha e inicimit të procedurave gjyqësore (shih aktgjykin Moldovan dhe të tjerët kundër Rumanisë, më 12 korrik 2005 dhe aktgjykin, Sienkiewicz kundër Polonisë, më 30 shtator 2003) deri në kohën kur çështja ka përfunduar dhe/ose aktgjyki është ekzekutuar (shih: Aktgjyki Poitier kundër Francës, më 8 nëntor 2005). Megjithatë, Avokati i Popullit përkujton se neni 6 i Konventës nuk e përshkruan ndonjë afat absolut të caktuar për përcaktimin e zgjatjes së arsyeshme të procedurës por një përcaktim i tillë varet nga rrethanat e veçanta të çështjes.
18. Avokati i Popullit vëren se GJEDNJ në rastin *Zimmermann dhe Steiner kundër Zvicrës* ka theksuar se një prej faktorëve që duhet të merret në konsiderim është sjellja e

<sup>1</sup> Kushtetuta e Republikës së Kosovës, nen 22.

autoriteteteve kompetente gjyqësore dhe administrative, dhe se është përgjegjësi e gjykatës që ta organizojë punën e saj në atë mënyrë që individët të informohen për përparimin dhe rezultatet mbi çështjet e tyre brenda një kohë të arsyeshme. (*Aktgjykim Zimmermann dhe Steiner kundër Zvicrës, 13 korrik 1983*).

19. Po ashtu, Avokati i Populli vëren se, sipas praktikës së GJEDNJ-së, “arsyeshmëria” e kohëzgjatjes së procedurave duhet të vlerësohet . . . duke iu referuar kritereve si në vijim: ndërlíkueshmëria e rastit, sjelljet e aplikuesit dhe të autoriteteteve përkatëse dhe se çfarë ishte në rrezik për aplikuesin në çështjen në fjalë (GJEDNJ [Dhoma e Madhe], Frydlender v. France, Aplikimi Nr. 30979/96 (2000), par. 43, duke cituar GJEDNJ [Dhoma e Madhe], Comingersoll S.A. v. Portugal, Aplikimi Nr. 35382/97, par. 19 (2000), par. 19).
20. Periudha përkatëse për t'u shqyrtaar lënda ndaj ankuesit fillon prej 22 maj 2015, data kur paditësi ka paraqitur padinë në Gjykatë. Pasi ende nuk është marrë vendim përfundimtar lidhur me rastin, data e fundit e hetimit të këtij rasti në shqyrtim konsiderohet data e publikimit të këtij raporti. Prandaj, Avokati i Popullit konstaton se procedurat kanë zgjatur mbi dy (2) vjet e pesë (5) muaj, dhe se ka pasur shkelje të nenit 6 të KEDNJ-së.
21. Gjithashtu, ankuesi pretendon se mungesa e mjeteve efektive në shkeljen e të së drejtës për proces të rregullt brenda kohës së arsyeshme, siç është e garantuar me nenin 6 të KEDNJ-së, përbën shkelje të nenit 13 të Konventës, i cili thotë: “Çdo person, të cilit i kanë shkelur të drejtat dhe liritë e njohura me këtë Konventë, ka të drejtë të paraqesë një ankım efektiv përpara një instance kombëtare, edhe kur kjo shkelje ka qenë kryer nga persona që veprojnë brenda ushtrimit të funksioneve të tyre zyrtare.”
22. Sa i përket zbatueshmërisë së nenit 13, Avokati i Popullit përkujton se GJEDNJ disa herë e ka theksuar se vonesat e mëdha në administrimin e drejtësisë lidhur me palët kontestuese, të cilat nuk kanë mjete, përbëjnë kërcënim për sundimin e ligjit brenda rendit vendor ligjor (shih aktgjykinin në rastin Bottazi kundër Italisë, më 28 korrik 1999 dhe aktgjykinin në rastin Di Mauro kundër Italisë, më 28 korrik 1999). Avokati i Popullit, gjithashtu përkujton se edhe pse GJEDNJ ka vendosur se mjetet efektive do të duhej të interpretohen në atë mënyrë që të kuptohet se mjetet mund të janë efektive në kuptim të spektrit të kufizuar të një mjeti efektiv brenda një konteksti të veçantë (aktgjyki i rastin Klass dhe të tjerët kundër Gjermanisë, më 6 shtator 1978), GJEDNJ, gjithashtu ka vendosur edhe si vijon: “Për sa i përket dështimit të pohuar për të siguruar seancë gjyqësore brenda një afati të arsyeshëm [...] asnjë kualifikim i tillë i përbajtur në fushën e nenit 13 nuk mund të dallohet. Në të kundërtën, vendi i nenit 13 në skemën e mbrojtjes së të drejtave të njeriut të paraparë me Konventë do të përkrahte mbajtjen në minimum të kufizimeve të nënkuptuara me nenin 13 (aktgjyki i rastin Kudla kundër Polonisë, më 26 tetor 2000).”
23. Në vend të kësaj, nen 13 pasqyron në mënyrë të drejtpërdrejtë obligimin e shtetit që fillimisht dhe në mënyrë primare të mbrojë të drejtat e njeriut përmes sistemit të tij ligjor duke vendosur me këtë rast një garanci shtesë për një individ për të siguruar që ai apo ajo gëzon të drejtat në mënyrë efektive. Nëse shikohet nga kjo perspektivë, e drejta e një individi për proces të rregullt brenda një kohe të arsyeshme do të jetë më pak efikase nëse nuk ekziston mundësia që së pari ta parashtrojë këtë ankesë pranë një autoriteti vendor.

Kërkesat e nenit 13 përkrahin ato të nenit 6 (shih, aktgjykimi i lartpërmendor Kudla). Kështu, neni 13 garanton një mjet ankimi efektiv pranë një autoriteti vendor për një shkelje të pohuar të kërkesave të nenit 6 për ta shqyrtuar një rast brenda një kohe të arsyeshme. Pasi që rasti në fjalë ka të bëjë me ankesën lidhur me kohëzgjatjen e procedurës, neni 13 i Konventës është i zbatueshëm.

24. Lidhur me kërkesat e nenit 13, Avokati i Popullit përkujton se efekti i këtij neni është që të kërkojë që një dispozitë e një mjeti vendor të merret me substancën e “një ankesë të kontestueshme” sipas Konventës dhe të lejojë lehtësimin përkatës (shih, p.sh. aktgjykimi në rastin Kaya kundër Turqisë, më 19 shkurt 1998). Çfarëdo mjeti i tillë duhet të jetë efektiv si në praktikë ashtu edhe në ligj (shih, p.sh. aktgjykimi në rastin Ilhan kundër Turqisë, më 27 qershori 2000). Lidhur me ankesën për zvarritje të procedurës, Avokati i Popullit përkujton se “mjetet efektive” në kuptim të nenit 13 do të duhej që ose të kishin qenë në gjendje ta parandalojnë shkeljen e pohuar ose vazhdimin e saj, ose për të ofruar përmirësimin adekuat për çfarëdo shkelje që tashmë kishte ndodhur (shih, aktgjykimi i lartpërmendor Kudla).
25. Avokati i Popullit vëren se, megjithëse çështja është ngritur disa herë pranë autoriteteve kompetente legislative, megjithatëasnë mënyrë specifike ligjore nuk ka ekzistuar në çështjen në fjalë, përmes së cilës ankuesi do të kishte mundur të ankohet për zvarritje të procedurës me çfarëdo parashikimi apo shprese për ta arritur çfarëdo lehtësimi në formë të parandalimit apo kompensimit.
26. Prandaj, Avokati i Popullit konklidon se ka pasur shkelje të së drejtës së ankuesit për ankim efektiv të garantuar me nenin 13 të KEDNJ-së.

### **Konstatimet e Avokatit të Popullit**

Nisur nga analiza e informatave, dëshmive dhe fakteve në dispozicion, Avokati i Popullit konstaton se për shkak të zvarritjes procedurale:

1. ka shkelje të së drejtës për proces të rregullt gjyqësor, brenda afatit të arsyeshëm kohor, të garantuar me aktet ligjore të lartpërmendura në çështjen në fjalë; dhe
2. ka shkelje të së drejtës për mbrojtjen gjyqësore të të drejtave.


Prandaj, Avokati i Popullit, në pajtim me nenin 135, parografi 3 të Kushtetutës së Republikës së Kosovës, “[...] *Ka të drejtë të bëjë rekomandime dhe të propozojë masa, nëse vëren shkelje të të drejtave dhe lirive të njeriut nga ana e organeve të administratës publike dhe organeve të tjera shtetërore*” dhe nenin 16, parografi 8 të Ligjit për Avokatin e Popullit, sipas të cilit “*Avokati i Popullit mund të jap rekomandime të përgjithshme përfunksionimin e sistemit gjyqësorë. Avokati i Popullit nuk do të ndërhyjë në rastet dhe procedurat tjera ligjore që janë duke u zhvilluar para gjykatave, përvçe rastit kur ka zvarritje të procedurës*”, duke u bazuar në analizën ligjore të mësipërme, në cilësinë e rekomanduesit, duke iu referuar argumenteve të lartpërmendura, me qëllim të përmirësimit të punës në sistemin gjyqësor të Kosovës

## REKOMANDON

### Gjykatën Themelore në Prishtinë – Dega në Lipjan

- Që pa vonesa të mëtutjeshme t'i ndërmerr të gjitha veprimet përkatëse për shqyrtimin dhe vendosjen për lëndën C.nr.187/15.

Në pajtim me nenin 132, paragrafi 3 të Kushtetutës së Republikës së Kosovës (“Çdo organ, institucion ose autoritet tjetër, që ushtron pushtet legjitim në Republikën e Kosovës, është i detyruar t'u përgjigjet kërkeseve të Avokatit të Popullit dhe t'i paraqesë atij/asaj të gjitha dokumentet dhe informacionet e kërkuara në pajtim me ligj”) dhe nenin 28 të Ligjit nr. 05/L-019 për Avokatin e Popullit (“Autoritetet, të cilave Avokati i Popullit u ka drejtuar rekomandim, kërkësë ose propozim për ndërmarrjen e veprimeve konkrete, përfshirë edhe masat disiplinore, duhet të përgjigjen brenda afatit tridhjetë (30) ditor. Përgjigjja duhet të përbajë arsyet me shkrim për veprimet e ndërmarra lidhur me çështjen në fjalë”), mirësisht Ju lutemi të na informoni për veprimet e ndërmarra lidhur me çështjen në fjalë.

  
Me nederime,  
Hilmi Jashari  
Avokat i Popullit